


詩

李相國集
六



東國李相國全集卷第十六

古律詩

庚辰八月予自桂陽以起居注禮部郎
中被召入直西省有作

右史官清帶禮曹足償江郡二年勞
禁池漱澹猶依舊老鳳重來浴羽毛

桂陽謫去方瀕死藥省重迴似更生
員案前陳官醞醞猶勝百里強專城

友人家飲席贈妓

久作孤臣心已灰忽逢名妓眼方開
桃花豔奪

曾相識不是劉郎去後裁

次韻孫吏部哭趙相國冲

一步無非蹈典常溫如愛日凜於霜挈瓶誰測

河源浩烈火方知王性良

公爲元帥後人益賢之

沙漠三

年專斧鉞雲來百世享膏梁嗟予大晚來華省

未覩台光耀政堂

予入京未幾聞公薨

死生壽夭是人常及聽公薨五內霜左衽昔年

圖寇擾右符當日付忠良一身鎮國難搖嶽百

執盈庭謾啄梁幹蠱諸郎典刑在蘭蓀行復謁

槐堂

栗詩 并序

栗實利人多矣非若楂梨橘柚之特一時
鮮煩而已然古人詩集中賦者蓋寡予為
賦之

葉生朱夏候實熟素秋時罅發呀鈴口苞重秘
玉肌饌遽無棗設女贄與榛隨不但供來客偏
工止哭兒堪將千戶等足濟萬人飢握重緣貪
味牙銛易褫皮煨憑爐底火烹代甕中炊始拾
遭猿奪收藏杜鼠窺莫嫌攢刺棘聊愛蘊甘飴
品入三秦錄名標五苑奇尚宜方穀粒詎可譬

李杜園集卷之六
二
積絮遺殼蝟毛積薪樵尚可期

宿金鍾寺明日作

遙尋一聲磬暮入招提靜拈香禮真人金像何
煥炳微風搖佛燈欲滅還炯炯僧房無衾裯坐
度寒夜永撥火餘殘紅主人猶在定天明步巖
陴轆轤響石井更坐當少須雪亂風復猛

朝闕

朝天猶恐後劫劫著鞭催雪路無人跡方欣第
一來

路上詠雪 二首

學花工剪刻，解舞巧徘徊。我鬢曾渾白，何須更點來。

初愛輕飄袂，都忘備障身。漸堆寒弁重，翻羨笠簷人。

冬日與僧飲戲贈

酒能防凜冽，俗諺號冬冠。禿首如吾子，能無備禦寒。

次韻金承制仁鏡謝規禪師贈歸一上人
入所畫老檜屏風二首

吳師寫檜真，寫生颯颯似欲生。清風自言入欲

狀海錯十年先作釣魚翁
吾於畫檣非苟學
白首栖山所以工
松身栢葉深得妙
始知吳老言之公
我亦飽看吳老筆
望如老賈知西東
禪師所蓄尤奇絕
紛紛俗畫渾掃空
侯門子弟費金帛
求之不得計已窮
緣公獨是簫洒人
一朝輟送書軒中
不然世俗安得歲
如以韶濩奏於顰
願公享壽如此樹
不待鍊藥顏還童

古來論畫貴松栢
愛有簫然君子風
昆松弟栢是曰檜
亦似偃蹇蒼髯翁
江南山人喜寫松
晚年畫檣又軍工
師從何處得此本
寄與天上雞

林公雞林學士襟韻古玉立清標映海東吾師
有意表貞節贈之不惜方丈空雞林得畫喜不
寐面壁吟賞心無窮作詩摸狀又勝畫攬天萬
丈生宵中金聲擲處側我耳聳聽不覺驚披龔
看詩諷味如見畫何必親對青童童

次韻陳少卿和權負外謝人寄躑躅杖
詩 修文殿扈駕次口占

老去衰顏更不春百金良藥若為珍賴君輟贈
扶持物得作人間健步身

明日復以四首寄之 皆代權君

減却花中一朵春
削成手杖尚堪珍
芳情莫恨隨殘叟
我亦從前薄倖身

繁英曾占十分春
豈擬終成老境珍
惱盡人情花亦老
却來扶我一閑身

靜尋山寺醉尋春
步捷方知杖是珍
觸境歸來堪送老
感君專與百年身

晚年慵似泥人春
六尺殘軀漸自珍
寸步尚期扶杖起
都將拄杖作吾身

八關侍宴

逢爰二年尋鹿徑
雲霄今日侍龍墀
江城薄

酒猶曾飲如此 宣杯得可辭

次韻文禪師哭覺月首座

世喪彌天釋苑賢我方聞訃倍淒然空餘廬岳

裁蓮社無復華亭載月船聞有詩評嗟未覲師

著詩評早修僧傳僅終編師曾修法門梁棟今

頽折後學憑誰討十玄

謝李樞副勣見訪

長恨門前雀可羅賴公方辨士夫家問閭共駭
星辰降童僕爭誇宰相過酌酒自慙無綠蟻勸
君還愧欠青蛾從今也任蝸廬小已度高軒響

王珂

燈夕與劉大諫冲祺聯行侍宴有作

盤桓雖滯亞卿聯宴席同陪玉座前法從叅登

無幾輩

法從中唯上階侍臣侍宴

微官忝赴愧諸賢

子以特制侍宴

袖中仙橘天香洩頭上

宣花國色妍

御手

斟杯還賜語感深雙淚瀉如泉

劉見和復答之

八載叨叅奉引聯未曾超上赭袍前元宵

御

宴今宵侍昨日愚儒此日賢浪藥浮花那有實

紫鈿丹粉假成妍

四品侍臣皆假鞋帶故云

羨君西掖清華

地為藥吟高思湧泉

王太后挽詞

大上皇母
受勅述

沙麓曾膺慶銀潢早毓源孫為王后貴子作上
皇尊白日璇宮鑠彤床玉璽存國人懷舊德痛
哭送驚軒

曾闢東朝母萬民別開閑館攝精神

以大上皇
母罷東朝

故軒星掩彩天無色蘭殿銷芳草不春內範已

書彤管手後宮猶認玉衣身仙遊謁帝應差樂

我淚哀號世上人

謝申大夫教授愚息澄

申君年八十餘
常集學子教授

我家第三兒曰澄性不可雕如朽木行年壯大
不辭書此是飯囊空貯粟易子而教古所聞無
人為發醢雞覆大文年耆學更精孝先經笥便
便腹骨清神朗眼如鏡五經寫作蠅頭讀童蒙
來求不敢拒學子成林家有孰爲雀爭附鸞凰
飛螟蛉幸逢螺贏祝不嫌阿倪鋒刃鈍著手磨
龍期切玉感君厚意何以報但願長生鬢還綠
吾聞魯國有申公居家教授老彌篤虎皇重學
蒲輪徵八十方食大夫祿先生家世豈其孫欲
振祖風將大復東帛加璧召未晚暮年榮貴行

可卜

賀同年俞侍郎升旦初侍燈夕宴

蛾眉班裏許多賢上到天堦腰必赤喜君始綰
鞶帶新彤墀侍宴趁燈夕此夕觀燈信繁浩康
安殿下人如織笙簫聲酣獻天壽一抹紅潮侵
玉色御手斟觴授侍臣一言見賜猶感激待
君况以故人禮與上舊語及寒暄應倍百遙知俯
伏赭袍前雙行感淚盃中滴宣花滿挿醉扶
迴路人指道神仙客嗟予久被杯蛇誤予以病未參故
云未躡後塵同侍側

俞君見和復答之

文平門下署名人多至腰黃無眼赤趙韓兩相
絕先馳餘尚翩翩參拜夕先生晚進銳飛騰神
錦何曾容易織一朝手補舜衣裳鳳彩龍文輝
五色同榜四人登玉陛士林歆豔心爭激謂君
燈夕宴方酣醉擁笙簫攢指百豈知雨惡寢清
歡燥吻未霑霞液滴見來詩然後知是他年侍
宴綴樞班禮絕今時同列客宜花剩插八枝
春宰樞八挿向我應誇瓊弁側

雨中邀飲又用前韻贈之

手談端喜逢勅敵欲拔趙旗立幟赤因君畏縮
久不來竹窓孤負燈明夕塵生盞學沒來賓蓬
戶謾看蛛網織未發紅旆轉噤脣欲開緋杏還
無色白雨飄空銀竹垂空餘吟吻聲微激青春
一日忍虛拋謫仙杯可傾三百此時不訪良不
仁酒槽空見真珠滴君雖齋養佯不飲聞有比
隣索酒客相將携手肯來無鵠頸久翹難輒側
大學韓大博昌綏尹學正復圭崔學諭宗
裕皇甫學諭瑄見和復用前韻各答

韓大博

昔年龍榜共題名一幅賜牋霞闕赤曲江吟快
綠波春瓊苑宴酣明月夕同年盛集古猶無婦
女貪觀比罷織當時桃李幾枝在在者尚皆憔
悴色迴首舊遊渾一夢三十四年如電激鬢斑
面皺不須嗟筭却行年餘半百我方老綴詞臣
尾病樹粗蘇春露滴君亦才除博士官酸寒未
免青衫客遲君踵到法從聯尾礫始驚珠在側

尹學正

先生家世受黃鉞鉞頭胡血餘殷赤當時一掃
犬羊群捷烽忽到甘泉夕再造三韓豈其賜至

今萬戶安耕織往年虜騎犯封疆一國面蒼皆
死色是時益慕乃祖賢想見薄天英氣激後孫
君獨雄且豪一鶚平吞鷲鳥百家藏鐵券賞宜
豐薄宦才霑恩一滴行到青雲亦未暮猶是韶
顏少年客況今公道復古風玉枰誠懸無反側

崔學諭

先生詩韻鳴詞林我愧晚知雙頰赤從前歌唱
不堪夸虛作寒蟲號露夕大巫已奪小巫氣巧
婦應欺拙婦織一見清詩似覲顏不須更待瑤
林色眼前雖未見雕虎十里清風隨嘯激貺重

如承白壁雙價擡足敵黃金百君才合把演綸
手快倒江湖供硯滴胡為尚作廣文寒無氈可
坐座上客為君誰作傾國媒便令選在君王側

皇甫學諭

桂陽江郡幸同寮簿領堆前紛黜赤祿簿雖稀
痛飲場時時載酒醉侵夕山樓望海碧油澄官
舍賞花紅錦織除却吟詩何以娛雖有倡兒少
嬌色先生筆捷騁豪邁多至千篇小猶百如予
鈍刃安敢當紫電青霜凜相激飽君詞藻莫我
如無路薦衡慙泚滴世無短李誰為餌虛作虹

竿釣鰲客鹽齏官冷豈宜君合草龍綸居帝側

雨後訪友人

百一無人接緒言想攀瓊樹洗煩魂雨晴街上
春泥滑踏作千跟始到門

飲俞侍郎家明日以詩謝之雙韻迴文

藍翠潑溪冰破鏡酣紅浸暈生桃杏簾颺輕風
涼榭靜喃喃啼鳥呼睡醒兼味佳肴飮盤皿添
壺頻勸督嚴令三人高絕清飲茗客主人與雨慙
我獨傾杯倒罄衫帽著顛斜復整談罷始還方
側景

俞公見和訪來因置酒復答

藍換雪髯愁曉鏡
酣顏伏得侔紅杏
簾卷半窓閑
榻靜喃喃話到醉
還醒兼酒與肴盈
器皿添燈夜
席詩開令三盃淺酌
交湯茗慙愧吾腸
詞竭聲衫生皺
任坐欹整談劇未輕
拋好景

春感二首

春光蕩蕩蕩人情
風送飛花片片輕
何處樓臺簾半卷
翠衫公子卧吹笙
滿城歌管醉春風
盡日無人訪老翁
唯有樓前一株柳
解擡青眼媚窓櫳

酒席答少年

少年莫笑插花翁
霜鬢何妨映紫紅
看取月明歸路影
較君頭上一般同

聞僧錄光叙入山

馱被都官不愛看
紫衣脫却入青山
紛紛俗子何容語
禪教緇黃尚厚顏

惜花

春君用意剪成花
其奈狂風擺落何
風是春風春不制
忍教紅錦委泥沙

續將進酒歌

李賀將進酒曰酒不到劉伶墳上土此誠
達道之言也故廣其辭命之曰續將進酒
云

寄語杯中藍色酒百年莫厭相逢遇綠髮朱顏
能幾時此身危脆如朝露一朝去作松下墳千
古萬古何人顧不期而生蒿與蓬不速而至狐
與兔酒雖平生手上物爭肯一來需我味達我
達哉劉伯倫載酒自隨長醉倒請君聽此莫辭
飲酒不到劉伶墳上土

題普濟寺住老規禪師壁上畫竹

禪公指點壁間竹根立水中唯此獨渭川千畝
未曾看蒲湘一岸猶未矚我導師之所見無奈
誤此竹不是天生綠應是一逋龍忽被海神逐
昂頭露角欲出水雷公割擊驚震地蒼鱗散成
千葉紛瘦骨卓作一竿峙神物固不凡雖死猶
爲耐寒翠唯有蟠踞與蟄足至今猶在滄波裏

醉樵人

犢鼻麻禪白葛衣韋韞筠笛草間遺牡牛逐牝
奔騰去醉卧山邊都不知

憎烏啼



舉世無人憐爾者如何多作百般聲有如隴右
喜吟客朝暮啾啾莫善鳴

次韻劉大諫冲祺喜門生進士金允升
一年連捷仍召入天院

數旬連捷也何難妙手神於累二九過客夾街
猶竊嘆吾儕同道合榮觀脫囊材露門人遂架
厦功歸老匠般不賀此郎稠沓慶賀君曾得辨
蕭蘭

右贈劉公

戾天高鳥落雙難只費黃金一彈丸簾陞認名

驚再聽簪紳識面記曾觀超如吾子宜三得散
與平人作幾般扇播清香誰有力劉君先擷谷
中蘭

右贈金允升

苦熱二首

酷熱甚於火千爐扇炭紅馮夷應暍死燒及水
精宮

卧欲起奮飛起思還裸卧誰憐甕底蒸移向水
中坐

八月十四日拜先壙後題巖泉示李補

闕百順

石間流水本無情
豈恥世人來濯足
我緣世上埃垢重
脚未下泉先愧
惡待渠洗了足
底塵下手無慙
弄澄綠

九日

少年遇重陽
汲汲索黃菊
不論酒醇醲
泛此香馥馥
如今祿稍豐
甕有浮蟻綠
緣我老且慵
索寞情味薄
任爾霜葩開
但悲時節促
客來強洗盞
一酌歡已足
免使離邊花
厚顏終愧惡

出山吟

明月迎我來夜入清溪曲白雲送我迴曉出青山麓去來皆有伴誰謂予遊獨

禮成江樓上次板上諸公韻

故承宣金敦中首題

才看畫鷁簇沙頭趁得迴潮揔不留海客自愁風浪苦望中無奈似閑遊

漁叟停橈屢轉頭問渠何事故成留舟中應羨樓中樂樓上人還羨爾遊

又樓上觀潮贈同寮金君

予以公事往來數月

海潮勢壯何狂顛組練千軍倍道爭相前行入步步生塵處須臾漫汗成河淵忽復卷去作平

地却疑蒼海一旦變桑田浦口我誇吞浩浩吐
了更作坑難填不獨水中變態如此耳天上日
月猶虧全物之盈縮固常理此是天數非茲偏
潮來復潮去來船去船首尾銜相連朝發此樓
底未午棹入南蠻天人言舟是水上驛我導追
風駿足較此猶遷延若使孤帆一似風中去倏
忽想到蓬萊仙何況區區蠻觸界假此木道何
處不洄泓

江上晚雨

江岸人稀白鷺飛漁翁日暮得魚歸輕雲薄薄

邦成雨海氣千天偶作霏

初冬江上

黃蘆折脛垂彩鴨
挿頭睡乾雪鄉音
漁叟衰灣口孤舟
艤閑騎果下駒獨
徃江邊寺海風忽
吹沙浙浙衝面起
水國天早寒初冬
已裂耳徃來不須
嗔官事安可避

仲冬雨

天地大閉凝想無
雨雲雲雲應是雪
飛來冬溫融作汁

詠雪

今古形容語已陳欲裁新意倒前人豈知爾反
令心苦不入詩來入鬢新

入鬢新痕都是雪不勞譬况此相同唯餘一段
未同處鬢上難融汝易融

融成流水凍成冰變化無窮獨爾能作雪爭吾
雙鬢白為冰學我一心澄

路上逢故人口號

握手長安路潸然涕自零鬢從何日白眼是舊
年青

種花

種花愁未發花發又愁落開落揔愁人未識種
花樂

苦雨

雨絲紛似織天罅裂難緘堂上猶持繖街中直
掛帆

詠筴

此君真勁抗還有抱兒時未作琅玕股猶包錦
繡皮才看尖角出已見遠鞭馳中有干霄幹饒
屑且忍飢

遊天磨山有作

入山迷路墮叢薄空谷幽花自開落深溪流水
山半脚絕壁孤雲天一握跳上巉巖幾百尺身
行木末爭猿獍戟巖攢錐欲誰格白巖如戟
人號戟巖鼓
石無聲那得呬有石如鼓風吹俗面似掃掠谷答人
聲如唯諾初從石徑行莽確旋向松扉敲剥啄
山僧出門笑迎客貌古松頭千歲鶴困卧松軒
山月白煎茶不問巖泉涸我樂忘憂師大喙本
自無憂誰是樂明朝共蠟阮孚屐何必更買靴
椎僑

詠蟬

緬思齊日復迢迢宮女千年怨未銷聲續山僧
敲罷磬翼偷凋客織殘綃曉清露重綠槐葉雨
霽日斜高柳梢莫為秋深空訴別典刑猶在侍
中貂

海棠

海棠眠重困歌垂恰似楊妃被酒時賴有黃鶯
呼破夢更含微笑帶嬌癡

紅芍藥

嚴粧兩臉醉潮勻共導西施舊日身笑破吳家
猶不足却來還欲惱何人



放鼠

人盜天生物爾盜人所盜均為口腹謀何獨於汝討

啄木鳥

木穴得蟲數剥剥如扣戶將汝五色妍胡為好

啄蠱

一作誰能借汝
嘴啄去人中蠱

贈李道士

家在天津第幾重
暫來人世踏塵紅
七蕤玉鑰封玄闕
八素瓊津洩絳宮
文虎火煎金鼎底
君臣藥祕綠囊中
黃庭讀罷爐香冷
一隻青鸞下

碧空

東郊即事

三尺藍輿取次行
池南池北稱幽情
黑雲將雨環山過
綠麥搖風際岸平
出沒游魚欺白鷺
高低輕鷺護黃鸝
野庵不敢敲門訪
恐使閑人費送迎

雪詠

剪水作浮花
須臾復為水
此甚似幻戲
想天必不爾
常疑雨墮空
苦逼寒威被
半路凍凝華
偶肖瓊葩耳
若是雨所化
剪刻者誰是
詳看六出巧
定自天工費
天果幻戲耶
終未測其意見日

融成汁還與雨療似雖欲復為花其奈已淪地
天機秘難詰置酒但一醉

冬栢花

桃李雖夭夭浮花難可恃松栢無嬌顏所貴耐
寒耳此木有好花亦能開雪裏細思勝於栢冬
栢名非是

聞友人以銀杯換馬

胥足皆君身上物忘胥愛足意難知君言瓦盞
尚堪醉醉後驕馳兩得宜

病中作示友人

洞想形骸同木偶孰教曠額苦啾啾
杯蛇妄意如能釋床蟻虛聲亦少收
造化小兒謀欲困死生一夢我何憂
此非常痛真堪賀天惜勞生擬遣休

客至忽歸有作

何所見而去予豈鐘會倫
吾非鍛柳客莫道可卧龍人

宿廣明寺示堂頭禪老

多病一身燈影裏欲殘孤夢雨聲中
我今不是攢眉客投社終隨老遠公

二月雪

二月融怡氣欲舒連霄放雪意何如
狂風應散春工手無限梅花剪出餘

絕句 三首

松亭春日永午枕夢初驚欲雨礎先潤
有風琴自鳴

樹影晚斜窓花陰晴滿地素琴猶懶彈
始覺真無事

春暖鳥聲軟日斜人影長小園山意足
隨意自徜徉

櫻拖

天工獨何妙調味適酸甘徒爾圓如彈難防衆

鳥含

旱雲

如蓋如旌復似幡去來屯散本無根狂風慎勿

輕吹卷儻作霏霏雨一番

一作使渠變化多千
未作霏霏雨一番

炤鬢賓有感

霜雪之於物秋冬各有司如何人鬢上一著不

曾離

閨情 二首



寂寂空閨裏錦衾披向誰相思深夜恨唯有一
燈知
淚從心底出豈與眼相謀不似寒泉水無情亦
自流

綠瓷枕

綠瓷瑒枕澄於水入手如捫玉肌臆跳身慎勿
入其裏擾擾黃梁夢中事邯鄲青鞵何必恥

端午郭外有感

舊墳新墳接相隣幾許平生醉倒人今日子孫
爭奠酒可能一滴得霑膺

東國李相國全集卷第十六

李和國集卷十六

三十一

東國李相國全集卷第十七

古律詩

醉歌行 走筆

天若使我不飲酒不如不放花與柳花柳芳時
能不飲春寧負我我不負把酒賞春春更好起
舞東風醉揮手花亦為之媚笑顏柳亦為之展
眉皺看花翫柳且高歌百歲浮生非我有君不
見千金不散將何用癡人只為他人守

御殿春帖子 五言七言

瑞雲浮綵仗壽酒溢金觴化國春何力尋常日

自長

皇恩與暢發生權
催辦東風麗景天
誰識太平緣
帝力只將歌吹作新年

嘲睡僧

貪傾大道漿
正到睡鄉境
毛鞠莫輕投
安知不
八定

病中謝金學士仁鏡見訪

手末脣頭被病侵
終朝伏枕苦呻吟
忽聞騶哄喧街巷
起倩兒童整紐襟
指似芒攢難奉履
口如鉗固莫論心
唯餘兩眼知垂涕
泣感高軒肯

見臨

次韻和西伯寺住老敦裕師見寄二首

使者立門曾
從非筆和寧

不是

皇恩雨露踈煙霞高想自耽幽

師被命
常在內

道場今舍歸
本寺故云

須知紫闥催徵召休戀青山入帶

留遁世真人廿孱迹趨時新進競昂頭

來詩有
及後進

皆升僧門
高品故云

象王他日來騰踏狐鼠餘腥掃地收

莫恠長安鯉信踈俗音那到水雲幽巖堂煙月

栖身穩京輦風塵戀祿留道韻想君冰入骨宦

遊憐我雪蒙頭掛冠何日攀高躅六尺殘骸老

可收

又別成一首謝惠燭

東海孤雲十世孫文章猶有祖風存世致法十

遠字兩條金燭無詩貺詩足清心燭破昏孤雲

裕公以此詩三首上板因有序寄之并

附

右詩三首今寶文閣待制李公某所著也

髡於公辱知最厚往者伏承 朝旨寓

闕內山呼亭祝嵩之際公亦以翰林在

禁中草詔餘隙屢訪予居一日偶有客五

六人謂公曰吾儕飽聞公之唱韻走筆未
親覩也請從衆懇許之如何公曰諾坐客
迭相唱韻公即走筆書于壁云輒出銀臺
署來尋竹閣僧飢食宜煮蕨禪話更添燈
蓮社難連訪金閨業已登閑忙皆有伴喧
靜豈無朋師似雲無繫予如木不繩快哉
今夜飲遮莫火輪昇後數日為今清河相
國所薦侯今晉陽乃入晉康公邸公先密使
相國修文殿大學士琴公抄韻五十餘字
召公於座前仍命寮屬諸卿分奉筆硯公

自占庭中所養孔雀為題使學士連聲唱
韻屢督促之公旁若無人傲然嘯詠即下
筆如迅雷奔電不容一瞥晉康公嘆息至
垂涕因奏于上超資授六品未幾遷右
正言知制誥噫公之如此神妙盛作之膾
炙人口者不可勝紀而此詩三首如公所
言使者在門督促故走筆和成遠寄則予
恐湮沒無聞後莫有知之者今上板釘于
壁上以壽其傳云耳時重光大荒落皐月
既望西伯寺典香火老踈跋

李注書憲邀飲林園

嘉君城南居林園
幽寂我昔步花輓
君作蓬

山客朝罷輒携來
解衣共盤礴
櫻序常置醴

每五

月釀醴可愛香味色
濁者如醎
酏清者如瓊碧

酒邀飲甘非設
穆生醎勝倒
玄石得意到忘形

每設清談笑雜戲謔
邇來各從事
聲跡久乖折我佩桂

州符子時在京洛
我方瓜代還
子向關東謫每

憶茲園遊杳如千載
隔今日告休沐
端居草堂

僻蒙君折簡招
跨馬鞭屢策
入門望楓林

環宅皆楓林

依舊君家宅
青眼與醇醴
畧不異於昔
唯予雙

鬢邊幾箇添絲白懷舊鼻酸辛不覺珠淚滴何
以答君心舉白期飲劇

兒輩以風甌掛樹其聲可愛以詩狀之
誰聯青玉片高掛綠林梢工席敲方響仙樓吸
洞簫候風嫌暫靜看樹喜頻搖莫較啼枝鳥堪
欺噉葉蛸塔鈴終日語天樂半空飄深苑淒涼
景閑窓寂寞宵亂振全似競微動乍如遙休道
聲無譜分明曲自調

兒子涵見和復用前韻

要輕懸細線期裊選長梢已弄無絃瑟還吹比

竹簫墜旒珠穗動隨步佩環搖對舞雖無鶴
歌幸有蜩露叢清共泣風葉綠同飄愛欲聽終
日眠嫌費一宵宛如當坐擊誰謂掛林遙倡妓
偏羞澁秦箏棄莫調

呈崔承制正份

十分 宣勸豈敢辭量淺杯深未易支宴席醉
歌元不省危階扶下亦何知不思法從英游貴
猶作狂奴舊日姿夜半夢醒方闍記朝來顏厚
自難施栢臺彈紉誠磨骨藥省論評甚剥肌如
此波瀾能免陷都緣喉舌善為辭仁風已斂枯

灰燭恩露還
露病樹滋肺疾
彌旬猶造謝
特親兼恃大人慈

太后殿春帖子 五言七言

發生雖帝力
亭育本坤元
文母仁風煦
剛添氣候暄

柳迎韶景驚
擡眼鳥倚和
風快弄吭欲
識東朝眉壽慶
萬年天子手稱觴

二月苦寒

北帝已去東
君來胡奈餘
寒猶烈烈應
是玄鑣去未遙
蒼精退讓方
弭節春風無
力日色淡未

掃臘前三丈雪會待東君行
定位緘桃蘊杏芳
心泄

江村路中 二首

野翁歸處牛將犢漁父眠時鷺得魚
立岸貪看江浩浩隈松輶避雨踈踈

沙村計活付魚灘任却膏田化羣雀
唯有巖僧嫌地曠一肩高耒勉耕山

勉一作遍

庾大諫敬玄邀飲同寮出所蓄水精杯
請予賦之

時予為左諫議庾為右

庾公好客傾一時邀致即官自鳳池
初將小爵

淺淺斟半酣呼出水精卮中有鵝黃全透體見
之不似在盃底炯如仙掌零露盈淨若方諸明
水貯又如溪上冰微拆漾漾波紋搖翠色自疑
在手易消融提挈不敢留頃刻我恐海若馮夷
日千戲水中幻怪真駭矣忽掬霜濤蹙作團須
臾凝成玉肌理狂風吹出落江沙一堆片雪委
青莎海客一見袖而歸日謀備用宜如何碎作
數珠真可惜琢為睡枕猶未適千磨百鍊作為
盃瑩滑尤堪酌香碧靈物那宜俗所蓄苟非其
人祇自瀆六丁棄向君家餉除却君賢安所屬

又恐洞天府瑤璃觴貯以千年不死之瓊漿
天欲令君壽與天地畢勅遣仙娥來勸嘗餘膏
又及同舍翁欲共我輩顏還童王烈胡為獨啜
石中髓不與嵇康同公乎公乎善自保有酒常
將此杯倒日月安能使我老

庾公見和復次韻奉答 二首

君不見五侯富貴熏天時肉為之山酒為池杯
盤器皿想極侈未聞水精為飲庖昨日西垣汗
流體敲蒸如坐深甌底忽向君家吸得水精杯
渾身爽若寒氷貯莫嗟未趁紅杏折莫恨未呼

傾國色

君詩有及

腰錢駕鶴那得兼已感深恩至銘

刻雕金鏤玉是兒戲較君所寶誠陋矣我初把
翫驚欲擲龜手那宜侵臆理古來聚散如搏沙
好倩佳人唱踏莎莫教一日盃心空百歲浮生
不飲何千金散盡君勿惜醉鄉路坦捨安適此
杯此酒至今猶在眼雲母微籠瓊液碧貴人之
家貴奇蓄往往多為尤物瀆酒盃雖侈未為害
本是慰賓情所屬皇天寧肯乾君觴時遣王母
添仙漿可喜來時深有約淺斟低唱勸我嘗嗟
予已是白鬚翁今年齒豁頭又童無復少年風

調在何顏更與紅裙同座中若有羊玄保與決
雌雄令絕倒

子常誇手談

餘勇傾庖亦足送吾老

又

我昔佯狂放意時八荒為庭四海以為池又欲
升天捉圓月持下人間作酒卮雪毛老兔怯縮
難露體倚樹隈巖深窟底遺予玉臼欲贖月其
中空洞何止百石貯世人下杵恐裂拚拱手空
對寒氷色截為片段欲作適手用下界無人工
剪刻是應玉兔誑且戲濩落無用安置矣浮之
江中任所如波濤流出奇文理君不見昔年江

海浪淘沙今為平地生綠莎是時此白腹削自成盃流移閱歲今幾何我緣薄命棄之不秘惜庾君得有真相適琢冰清質肯輒昏久沒猶無土花碧寶重宜為君得蓄物靈幸免吾所瀆君能有之似在我要令不出於吾屬自我昏襟飲此觴似向瑤臺吸得寒露漿得而飲者三四君拾遺晚聞恨未嘗作詩賦詠皆仙翁青竹汗盡南山童庾公得詩可無謝已約置酒更與諸君同金玉滿堂何足保但願水精盃與玉山倒然不然請問省中同舍老

田端公珣見和復用前韻答之

吾聞晉之時有事於河先惡池庾公欲宴佳賓
客者呼下客飲以千金卮飲來惶駭莫肆體數
日縮藏茅屋底膏中不慣冰玉盃中酒相攻未
可須臾貯不吐恐遭腹潰拆吐向詩中偶肖水
精色端公續唱又益勝水精字字當用青瑤刻
問君安識酒場戲說却醉中之味真妙矣尚有
寧佳處嫌君不飲未肯剖深理君不見無氈可
坐坐於沙不然亦可藉以莎盃無金玉尚可瓦
盃傾但恐無酒奈愁何庾君之盃不必惜凡物

於人隨所適我有瓷盃真可笑比雪未白比水
亦未碧意欲邀君試此吾家蓄他人可瀆君難
瀆若也乘閑肯相顧一盃淺酌聊相屬失二君
看今日禿頭翁無奈當年撏角童人生百歲如
風燈安得長與金石同莫言瓷盃易破不可保
趁我身存猶可倒此盃未老人先老此詩李宗
胃見和復
作二首答
之後失

賀裕師拜首座

狐鼠紛紛不足論前和公喜公方拜席端尊象

王騰踏吾曾道此亦前莫是天公借舌言

贈教坊妓花羞

玉顏嬌媚百花羞第一風流飲量優

善飲酒

笑

待詩人情家密麴醺狂如我亦同遊

花羞以飲量之句頗不悅復以一絕贈

之

愛酒神仙事西施醉亦多欲添渠態度歌倒似
風花

春日寓興

春光蕩起詞人興清嘯聲高莫自禁鳥亦喃喃
終日哢安知不為賞花吟

送宋左丞恂節制塞北

席上走筆

國尾方未寧

國語云邊者國之尾

上心偏所屬鎮之若太

山當代捨子孰授以龍虎符玉色親推轂威聲

已先及去若飛鳥速胡羯聞之驚膽落手復東

明日北郊亭長風引旌纛縣公卿多出祖主組森

成簇顧我衰且老殆未趁行躅矧此一壺酒源

淺味亦薄所貴在於誠此盃為我覆飲席何多

言贈行一言足善保千金軀一掃羗虜復不死

更相逢一一話心曲

靈通寺其首座方丈次韻李郎中百順

賦雨中紫牡丹

春後名花得苦稀紫中稱貴正相宜

紫中貴佳

裳雨濕襄臺女羅襪波侵洛水妃慣把笑容誇
絕豔更含啼淚作嬌姿點頭不是風擡舉額可

即官得意詩


金盤奇品眼邊稀

牡丹有金盤紫

曝日猶妍雨亦宜世

上郎君休屬意花中天子肯為妃低昂不是呈
嬌態露濕應難奈醉姿若把紫袍誇絕樣侍臣
如我合題詩

次韻金樞密仁鏡哭琴相國 二首



金鑠曾縻九色麟歸來綠野養天真科名富貴

如夫子

狀頭登第

今古存已有幾人庭下芝蘭元自

盛門前桃李為誰春通家似我方嬰瘵

予與公
有酸等

親未及行車趁曉巾

出應昌期作鳳麟忽遺塵累上朝真不唯下界

貧賢輔須信皇天要好人尚記去年三伏夏許

傾吾輩一壺春

予去年六月携壺
往謁公甚歡飲

此歡令我增

悽絕哭踊從教落頂巾

題劉伶李白勸酒圖

伯倫於謫仙相距幾百年胡為得邂逅對醉冬

頽然我初不覆覩但謂畫者誤翻思同氣者精神感相遇二子吾所希吾亦願見之何處得會面勸此酒一卮

御殿春帖子

聖日催和暖皇風助發生自然啼鳥語亦是太平聲

宮柳初黃金撚縷

御溝微碧玉生鱗東君偏

愛東方國先送和風釀作春

秘門春帖子

雪盡烟生瓦水銷水溢塘陶門五株柳隨分亦

搖黃

寒暄相代一宵中
向曉融怡氣蕩空
倒了椒觴霞上臉
自疑春與少年紅

題華夷圖長短句

萬國森羅數幅牋
三韓隈若一微塊
觀者莫小之我眼
謂差大今古才賢
衮衮生較之中夏
毋多愧有人曰國
無則非胡戎雖大
猶如芥君不見
華人謂我小中華
此語真堪採

讀易

屈指行年僅六旬
方觀易象讀千巡
乾坤揔入

曾襟內朝是凡夫暮已神晚好易至
背書遙誦

自責

有所
憤作

三八諫垣無一語得言舌在誰鉗錮泚毫草制
十六襪思涸心枯空自苦青山有路不汝遮胡
不歸休早為所人或妄以台輔期此特誑言慎
勿取

庚寅十一月二十一日將流狷島路次
扶寧郡寓宿故人資福寺堂頭宗誼上
人方丈明日作詩二首示之時尚書左
丞宋恂知御史臺事王猷等皆同流下

各島

十年親對 赭袍光忽落蠻天萬里長已信升
沉都是夢從今不復筭行藏

驛人驅逼不容留身是吾身未自由管記昔年
遊歷地如今反作白頭囚

扶寧乃全州屬邑
予曾為全州書記

謝古阜大守吳同年聞敵携酒來訪

萬里天涯遠謫身飢將渴會死為隣感君携酒
來相慰不忌孤囚記故人

吳君見和復次韻

憔悴行吟澤畔身龍灘鮫室是吾隣此時唯有

吳夫子眷眷當年同榜人

十二月移寓保安縣李進士翰林家謝
卿校諸生携酒來慰坐上作

孤身一間屋方寸萬端愁無人肯相顧園鹿以
為儔不意青衿生憐我白首囚各挈一壺酒其
酒旨且柔老儒飲量淺為子覆瓊舟始知同門
生恩義亮綢繆感之不可道唯有涕如流百世
庇弟子遙感吾師丘

坐上走筆謝李詹事等諸公大設筵見
慰



我是銀臺仙流落天之涯所指竟何處蒼濤何
渺瀰賈誼謫長沙屈平作湘纍古賢皆尚爾天
也非人為矧予安庸者見逐固其宜但此羸病
質瘡毒安可支預愁豹脚蚊咬啖無休時輒留
瀕海縣方待順風吹鬱鬱坐空舍靡日不攢眉
旅食尚未給況堪索酒卮此邑富才彥英英鸞
鳳姿與人許意氣緩急同欣悲及聞老從臣非
罪見流離華堂開綺宴風調後京師杯斟碧玉
醕坐列紅裙兒我飲鯨吸川滿酌何曾辭膏中
百不平一旦坦而夷此恩何以報鬻割膚與肌

予生不能報當以後嗣貽子子至孫孫天地以
為期

次韻謝古阜大守送薦枕及美酒生雉
無詩二首

飲腸雖愧與君饒嗜酒仍貪束素腰獨有同年
知我意一壺無送玉人嬌

雄州獵士氣豪饒射落青鞵箭脫腰不待如皋
能坐致何須更拖笑顏嬌

輶遊感佛寺贈堂頭老比丘

賴因飛語落蠻鄉得見慈和大法王細破蘚紋

行石徑曲穿林罅不見蓮莊海心遙島燈抽炷屋

角脩篁槩聳鉉

樓外有竹園植植麻立

問道已忘流謫恨

楚臣胡奈浪沉湘

蟻國升沉一夢空却因僧舍笑談同浮名摠落

心虛外妙道猶存目擊中石鼎煎茶香乳白塼

爐撥火晚霞紅人間榮辱粗嘗了從此湖山作

浪翁

謝元興倉通判金君携粮酒見訪

平日無事時人情固難測及茲艱難際始乃知

厚薄疇昔深論交披露一心赤今也反其目對

面胡越隔何況素未知爭肯一悽惻使君信真
人心地無戟級聞我墮顛危愀然動形色蒲北
欲救之寧謂舊莫識既携麴生醇復載雲子白
慰渴與慰飢此意千金直報之宜何如大山鵠
毛擲

遊妙巖寺次板上洪書記題位金巖詩

韻

妙巖高揖位金巖

新羅將軍位金來此巖築石城禦敵至今猶在故號位金

巖偷覷清都愧眼凡幽澗水渟猿掬飲陽崖草

活鹿來銜僧高只對虛心竹寺古空看合抱杉



聞說將軍真李牧區區安數禁中誠

又次板上庾學士韻贈住老比丘

逐客不妨山寺遊
竭來寬我心中憂
道人眼碧眉覆額
坐穴藜床今幾秋
笑予不早掛冠去
其於防身智莫周
俛首不答顏已厚
白汗如瀉紛難收
幽泉泠泠春石齒
晴雪濯濯落松頭
山中信義無由留
出門欲去增添愁

十二月二十六日將入狷島泛舟并序
是日將入島以保安諸公大設祖筵予
醉倒不覺乘舟半夜至中流睡中微聞

舟人喧言舟將覆舟將覆即驚起酌酒
祈天因大哭一聲未幾浪息風回風又
極順俄頃至甲君臺距島無幾里自此
篙工等目予曰此翁天所扶護不可輕也云
半夜舟人久困風醉中驚起訴天公靈胥有意
今方驗退却孤臣一哭中

宿甲君臺明日將發有作

注道村邊醉倒迴諸公所不知身到甲君臺入
言距島無多里始覺真成遠謫來

舟行 二首

李杜集卷十七
我眼平生少涕滂此行何事哭聲長只緣蒼海
中央去不見人家在那方
猶島非吾鄉如何欲去忙得挨烟火地猶勝海
中央

八島作

舊讀離騷悼楚臣豈知今日到吾身為儒已誤
為僧晚未識終為何等人

自答

脫可為僧晚亦宜官囚那得自求私君看繫馬
思馳驟口有金銜省有羈

晚登旅舍樓

初日鎔金湧海生
霽霞成綺界天明
孤舟掛席歸遙浦
恰似人頭戴帽行

辛卯正月九日記夢

耿介人必非剛正
世皆斥凡事貴依違
不欲大明白我早銘斯
言性方不自克果然蹈
危機受此萬里謫伊昔
吊屈賈兼責彼方直
今夜夢二子來理前所
責寧獨我輩歟方直汝
尤劇我輩負所蓄陳義
圖經國時君不能用所
以為逐客而子抗何辭
乃落大困阨爾所責於
吾反為子

所得忍飢坐窮鄉魚鼈同窟宅勿復責我為改
轍思爾適我慙未遽荅咋指空大息

十一日又吟

哭久喉聲啞飢頻面色凋孤囚今日態村父尚
能嘲

十二日夜夢有人呼云打疊打疊至下
三驚起有詩

打疊打疊呼三聲夢中之言定何謂本無一物
可打疊唯檢此身餘有幾

十五日蒙恩量移桑梓黃驪縣一十二

日行次竹州寓宿萬善寺次板上諸公

韻二首

予辛酉年遊此寺所和詩也在第十卷

野望際天斷村耕入壤深地卑微潤泫山近薄
寒侵古壁塵霾面枯楠蠹剥心我詩先有識落

職果重尋

前和詩有休官欲重尋之句

古院昔曾到殘年今復迴巖分雷電裂

有品中分入言

天雷

下裂殿屹鬼神開幽穴魑頻出生臺鳥自来孤

臣逢勝境欲去重徘徊

住老賢上人以過客諸公所賦詩釘壁

乞予次韻

二首



巖深藏古寺林暝失前村野雉莎鞦靡山雞錦
翼翻誰家松蓋屋是處柳搖門流落吾何恨渾
身費國恩

落日低層嶺孤雲界遠村鳥尋泉脉吸牛踏地
皮翻境勝賓留句僧高盜避門主人情鄭重鮫
泣感深恩

黃驪旅舍有作

久客堪憎言者稀湘纍情況益依依風花落地
飄還起雨蝶黏枝澁不飛遣興未知何處酒療
飢唯賴此山薇終朝采圃傭鋤穢泥濺蒿鞋露

浥衣

題黃驪井泉寺誼師野景樓

吾師於物取之廉獨向溪山不忌貧
幻出一樓

高突兀

此師始作樓

驅來萬景揔包含耕犁細雨村

情樂樵笛殘陽野興酣朝暮鳥聲門外樹古今
人影路傍潭貼雲歸鴈工先後出水浮鷗忽兩
三壤品須看原膺膺寺名都在井涵涵月窺深
室閑僧睡谷谷虛堂坐客談陶暑涼軒何必北
召風巍榭最宜南霽天霞色殷於火曉店烟光
翠似藍早占清幽君自適晚逢佳勝我方慙洗

李杜集卷之
二
心投社如同隱汲水煎茶尚可堪儻有話頭鑽
味處不妨時喚老龐參

暮春燈下北寺樓

漠漠烟巒萬疊青望中何許是神京閑雲頃刻
成千狀流水尋常作一聲已分長沙流賈誼更
堪漳浦卧劉楨無人乞與忘憂物逐客逢春益
不平

漫成

六十殘翁已戢生空餘詩骨轉崢嶸此身賣去
猶無用何苦懸懸望玉京

四月七日又吟

拚座無言又落暉
自驚腰帶漸寬圍
戢聞林雀窺虵噪
默見菁蟲化蝶飛
度日唯應書咄咄
向人終不道非非
此生已是知幾晚
何悔青山不早歸

苦熱

酷熱與愁火相煎
心腑中渾身起赤
顏困卧一軒風
風來亦炎然如扇
火燼燼渴飲一杯
水水亦與湯同
區出不敢吸喘氣
填喉寵欲寐輒忘
却又被蚊虵攻如
何流謫地遭此百
端凶死亦

非所懼天胡令我窮

苦雨

逐客難自由遠遊非所擬
往來村巷間尚足寬
愁思霑雨鏤不開平地數尺水
出門猶不得窘
若在籠裏此是因中囚憂豈一段耳
多方以侵之然後使我死

辛卯七月復京後有題

昔年慣踏洛京塵今日重看特地新
若更帝連仍舊職此身應似換他身

是年九月因備禦胡兵以白衣守保定

門

白衣來作守門人不憚長城晝夜巡猶勝炎州
嵐瘴地折腰甘向海村民

壬辰四月拜判秘書兼學士知制誥戲
作

莫言官未峻飛上木天高其奈詞源涸重提演
誥毫

友人見和復次韻

努力事文字休嫌秩未高須知三足鼎鑄自一

錐毫

時常作送
達旦書狀

莊惠王后挽詞

一星中極配四德後宮規金屋恩方洽瑤臺路
莫追雲蹤雖縹緲蘭葉尚繁滋萬世重泉下行

崇國母儀

元子為
儲副

追哭故承宣崔宗蕃并序

庚寅十一月二十一日予南流是日交友
崔承宣卒至宿亭聞訃未暇為詩哭之明
年還京輦於文字間偶見所署姓字惻然
傷心以詩追哭

交分嘗投密芳塵幸獲陪予曾流瘴海君亦向

仙臺行到孤亭宿方聞遠計來未成金鼎用先
折玉林材伊昔深論契予與公結四人交契同時又被災
死生雖異矣患故殆幾哉奄忽天高逝倉皇驛
道催我躬猶不恤當日未遑哀舊蹟今還覩悲
腸不奈摧涕滂飄似霰聲放殷於雷無復開懷
抱將誰舉酒盃知音今已喪空恨鼻壘堆

東國李相國全集卷第十七

李本固集卷廿七

三十二

東國李相國全集卷第十八

古律詩

大藏經及消災道場音讚詩應

制

自正言至三
品所製摠附

大藏經道場音讚詩

殘寇虛張菜色渾
吾皇專倚玉毫尊
若教梵唱如龍吼
寧有胡兒不鹿奔
藏海微言融乳酪
叢林深旨辨風幡
法筵未罷狼煙散
萬戶安眠示佛恩

胡虜磨牙劇吠庖
餘涎還欲播南江
休煩鐵甲

千軍禦須仗金身十力降竺域三乘如鎮輶周
家九鼎孰能扛梵筵今日方心禱戰鼓何人更
手縱

才喜殘胡折翼東鴈門還有犯關戎玉霄負宸
勞宸慮金殿拈香禮梵雄覺月淨涵三藏海
禪源彌暢一掬風六天環繞森兵衛蹴踏氍毹
定掃空

拒轍胡雛不足鞭神兵八部擁檀筵如來藏裏
無非寶衲子琴中勿用絃大地震傳龍象吼洪
溟傾洗犬羊羶官軍奏凱朝天後千載昇平第

一年

費盡謀籌計國肥不如憑仗梵雄慈暫勞玉體
千千拜行作羅圖萬萬期佛與舌長宣海藏祖
傳心密寄風樾太平在眼誰先見已倚功山正
築基

象步繩繩盡竺卿 赭袍親降鳳墀迎空王藏
密金龍啓老衲歌高石女廣照水月為千佛鑒
滿天霞是一人誠湏知國祚山難轉已倚熏功
辦太平

吾皇覲沐覺皇慈黃屋親臨講梵儀千指繙經

殊勝力萬家高枕太平期雲隨匝步浮龍袞風
入談筵鼓塵麾不用金城橫百雉人天競集築
邦基

玉仗前頭象步騰菊裳禪子堪祀僧舌根覆地
翻三藏鼻孔遼天揭一燈導去宸誠香穗直
含來瑞景日華昇梵音似有神交唱兵已深苞
國大興

八部交叅御仗排千匝新自海宮來龍顏
璽額三歸切佛鑒臨頭一念迴道韻直生無孔
笛梵音連震不雲雷靈臺夜奏胡星落諜騎朝

傳虜氣摧

筵用檀成賁殿堂鉢從雲擲羣緇黃經翻藏海
探龍寶談揭禪林嚼祖香統國一人親誓首
等空千佛揔迴光旋教四境風塵靜辦作三韓
日月長

淨筵才展鉢飛來龍象叢中振法雷教海波從
今日暢祖林花勝去年開願輪已與天同轉覺
鑒何憂月不迴朝種善根堪暮獲三韓慶筭可
涯哉

香幢寶蓋挾階陳熏範今年斗頓新自是

一人親屈體端知八部露呈身法音雷作連空
震御步天旋遶佛巡願轂輾迴無碍鑒真風
吹作太平春

玉殿年年佛事精吾君今日痛輸誠琅函霧
濕龍擎到檀席風生象踏行教海珠探如意寶
祖家燈續自心明一聲梵唄千災散倭寇區區
不足平

形勝新開白玉京江山王氣擁明堂更憑佛力
金城固寧畏胡雛鐵騎強龍手捧來三藏寶祖
心傳續百燈光頑我自却蒼生法都在

吾皇一辨香

此一首移
都年所著

消災道場同前詩

乾象頻愆 帝慮兢香泥塗地演真乘神通杵
下靈風襲教令輪中怒電騰若借光明尋放焰
有何災沴不消冰六天鑒照無羅隔四海恬安
似鏡澄

虜吻流涎已足懲乾文見謫又何徵天心似水
雖難測佛力如山信可憑神呪光明增熾盛胡
兵氣勢旋摧崩太平自古先多難感變

吾君道復興

謫見珠璣喻象頻憂形玉色礪精新梵筵未放
拈香手 御眼親瞻遶火身鐵捧金拳揮似電
氈褰鑠耳碎為塵榆關按堵連千里松麓深根
跨萬春

為豎星袂便却戎梵遙移自淨居宮香泥結界
熏儀盛蒼海凌波怒像雄釋虎咆哮聲正厲胡
雛瑟縮氣先窮欲知頃刻災消去烈火光中片
雪融

沙羅密藏足威光一粒靈丹勝萬兵火燄像前
宣梵呪金剛拳下眼魔精高山共峙熏功就朗

月同懸慧鑒明彈指未終災旋散羶戎掃地立
澄清

喜雨

人皆新有田入新京爭求田以耕予獨未得雨拊不止我無一畝
地為國誠自喜國廩如有餘吾食何時匱願天
賜澤周先自公田始

上崔相國二首并序

今晉陽侯也

某昨蒙鈞慈許叅兩府一會華筵仍
賜斑犀鞵帶一腰令帶之親臨觀焉枯
瘦之姿爛生光彩真分外之榮也又僕

在陳久矣無令別頒月捧以救垂死
之命退思厚眷不勝感荷謹成惡詩
二首奉謝万一云

三公聯席預華筵更受文犀直萬錢較日初生
光更爛譬金方鍊色逾鮮初疑蜥脚徘徊去還
認龜跟躑躅旋但恐微官輕帶署却招外謗忽
喧傳榮生里巷朝爭賀誇向妻兒夜未眠一觴
千年如祝壽凡於十觴十千五

右謝帶

官為三品許多人世上寒窮獨此身餓僕長顚

慵作屋

初移都皆作屋予未雨

羸蹄忽斃絕供薪一家罷釀瓶

無酒數日停炊甑有塵豈意鉤階垂睠顧別頒
月俸慰飢貧春珠狼籍來相積感淚滂沱拭更
新一斛千春如祝壽凡於十斛十千春

右謝祿

李侍郎百全見和復次韻奉答二首

平生事業付詩筵千首何曾博一錢忽得犀珍
裝帶重不須默錦棄袍鮮感君親把珠聯賀愧
我虛教玉趾旋

公親訪贈詩以無客位於門外坐話故云

不但巾箱深秘畜端

知樂府遍流傳讀成閑榻長聲詠驚破比隣殷

新眠中有一端嘲戲事酒狂蹤迹說當年

才高當世氣無人富貴駸駸又逼身尚有無窮

前去路何妨暫閑後來薪公久淹如予正合點緣

竹予亦淹知子行須驥逸塵豈意青雲猶記舊肯

臨白屋不嫌貧追嗟此日班荆久更擬明年結

草新趁取花時邀枉駕紋椒一局送殘春

癸巳年 御殿春帖子

麗日明珠殿祥雲繞紫微梅隨南使至鴈逐北

胡歸時達且猶在

綺麗新京事事新新年更占太平辰都人莫訝

韶光早此是花山第一春

李侍郎百全以夢中見予拜相來
說且賀以詩拒之

相位高於天平生得到難君如欲我到先與九
轉丹不然此凡骨安得挿羽翰予亦自知明本
非意所干世之所謂賢未必皆宰官但論才何
似不係朝廷班我若便未相問子何如觀不將
大馬視應以草芥者何況夢中事此賀乃欺謾

游塵

身在塵中元不識日穿窓隙始詳看細如毛碎

輕如霧暗著人顏障亦難

次韻金侍郎敵和朴拾遺文秀題
公所蓄畫牡丹

白玉床頭錦幄開半窺西子倚歌臺豈期海外
重相見應逐鷓鴣莫一舸來

雲錦香囊殿上開似聞西母自龜臺知君不是
劉家後

牡丹有
劉家紅

第幾函中得受來

老大逢花眼懶開未容閑上賞春臺君家近得
無雙豔莫為灰心不喚來

數朶仙花意外開緣君名字在丹臺新詩不啻

千金擲故作嫣然一笑來

人種春紅苦待開似邀仙女隔瑤臺此花妖豔
無時節把酒何妨日日來

和朴拾遺二首

閨苑千紅爛熳開群仙指點倚瓊臺擬看詩伯
驚人語故遣花王墮地來

紅藥當階灼灼開君今幾許詠西臺悔將仙筆
題凡品更向名花洗手來

贈禪者

老衲從何至喃喃話祖心予言何暇聽捫虱失

還尋

癸巳八月十八日始直樞密院寄內

省金相國仁鏡四首

紫樞真與壁門連疑是無階直上天此去黃扉

猶隔礙院胥休作宰臣傳

出入院吏呼宰臣

鞶帶霜髯尚舊形忽忘新占大官名欲知此日

非前日兩箇黃鸞引導行

公入鵷樞我到遲我來公已向龍池驚駘逐驥

真堪笑十駕猶難附尾馳

拾遺當日得同榮

昔同為正言

及到鉤階莫趁行同甲

猶爲雌戊子應緣一月後公生

相國是和復荅之

到頭陪座席嫌連豈爲官階邈似天畢竟一生
難及處詩工書絕得神傳

我於名官不全遲粗爲生遭湧墨池

命家有墨池湧生
格予於生時把之

較得相公房杜命

予嘗以公命
幾於房杜

青雲安敢並鑣馳

步君星數相君形大合鸞臺正署名等我前途
無幾許不須努力著鞭行

先我加鞭早享榮緣公才逸捷於行若將甲子
論先後先輩何曾畏後生

庾承宣敬玄見和復荅之

斷絃何苦鳳膠連端遇知音亦是天更荷一篇
提獎重家傳不翅萬金傳

二絕名途去轉遲遷延正似遇坑池偶登魏秩
先夫子驚寒時來亦絕馳

相逢拘迫未忘形都為中樞各繫名不及昔年
陪劇飲水精杯入手中行

予曾賦公
家水精盃

揚歷清華未必榮榮君到處許同行

予尤省同為諫議
又於此同寮故云

更期鳳閣雙飛後兜率天宮亦共生

李樞副仁植見和復荅之

源出驪江泓正連

同出黃驪縣故云

況今同侍九重天鄉

一姓一時相邑老應將盛事傳

梓鄉當日日舒遲伴棹觥船送酒池臨別一篇
君記否倡兒奉硯筆如馳

相子元非虎嶙形如何邊境擅功名

君屢從軍有功

只緣

膏蓄龍韜策坐使胡兒莫抗行

飛騰桂籍一時榮未必雲霄萬里行點額龍門
君莫恨位高才備足平生

甲午正月日夜直內省有作明日呈

金相國仁鏡

癸巳十二月八省至甲午正月八直

青雲有分晚飛榮得意長驅路坦平舊恨書生
多薄命如今不復舊書生

才入中樞席未溫旋登西省勢彌尊憑君莫詫
先飛到短翮追來路亦存

次韻康先輩哭丈大禪師 并序

予道友華岳寺住老大禪師惠文入
寂已久晚聞其訃方欲為詩哭之適
見康先輩某哭吊師之門人湛伊大
士之作次韻贈伊師

南北睽離各慘然夢魂猶斷一涯天崔君早問玄

臺路劉子還尋碧落仙

師所與交崔承旨原
蕃劉大司成仲基也

師復繼

俎輕脫袴我唯相憶擘開蓮茶毗阿那青山畔
名逐風飛骨化煙

閱過人生獨湛然一輪明月朗秋天遠師胡祖
傳心佛時逐吾儕作酒仙堂上想看拈起拄杖
中誰復呪生蓮為憐孤冢無碑表一紙空留數
點烟

賀我新篇尚宛然未盈旬朔遽歸天

四月作賀拜相詩
至六月化去

著鞭師已先成佛鍊藥吾猶未得仙枯骨謾為
松下土片心長似水中蓮升堂幸有伊公在齋

文心香不必烟

八月內省夜直有作

遠謫未維猶似昨忽登

還京輦猶

多幸豈意台階得自飛

次韻黃驪縣宰柳卿老見寄

政聲飛到迅風翎飽聽甘棠聽訟明不獨頑民

湔舊染更教貪吏解狂醒予生小邑

黃驪乃吾邑

雖懷

恥幸遇賢官細說情寬猛得中庸有害臨行此

語請深銘

予箴行次以此言及之

望海因追慶遷都

遷都自古上天難一旦移來似轉丸不是清河
謀大旱三韓曾已化胡蠻

百雉金城一帶河較量功力孰為多萬千胡騎
如飛鳥咫尺蒼波略未過

表裏江山坐萬家舊京形勝復何加已知河勝
金城固且更諳他德勝河

丙申元日

甲子相循已六申

子生元
度六申

天遺遮箇一殘身調元

贊化俱無用竊祿今還坐得春

故故新新密自移春來春去坐成衰得年未是

人間慶賀客紛紛意莫知

少年踊躍喜迎正老境蕭然小興情賓客填門
慵受謁兒孫滿座懶諮名

頭童自嘲

髮落頭盡童譬之禿山是脫帽得不慙容說已
無意若無髮與鬚真與老髡似冠弁飾其顛強
自徭騶騎黃裾雙引行呵喝喧道里行者錯擬
人趨趨走相避其實乃妄庸於國無所利徒將
一腹瞞多喫國廩耳自尚厚顏深人誰不嘲戲
不如速卷箴無重已之累

聞早鶯

寂寂山花裏黃鶯意外鳴
為綠新色聽似勝舊
京聲

東堂試院

四提文柄揀材勤
何事當時眼輒昏
玉在石間長不識
豈知還有別人冤

舍後開小池

剝鑿斷巖根
冰漿湧罅隙於焉始
開井
挹飲真
甘液
泓濫如觴
曲折隨所適
去井十許步
闢池
長一席
始得渟其流
涵涵漾寒碧
非欲備觀

游洩水聊可惜盛暑浴清瀾亦省汲引役兒童
真好事翟翬被其側我笑命去之此意非乃測

初秋池上

才開碧沼謀清暑一葉秋聲意已闌何事閑禽
猶苦熱日斜偷浴淺流寒

泉出四面有作

繞家皆湧溜無處不笙簫仙樂中間坐身疑在
紫霄

炤井戲作

不對青銅久吾顏莫記誰偶來方炤井似昔稍

相知

行園中有感二首

竹杖扶身勝健僮
花枝媚眼當佳人行
慵暫坐思前事
四十年前放浪身

臺上葵花嬌引我
臺高才尺尚難登
雖開老病身無力
亦為釣衡重莫勝

歸鵲

社後辭巢鵲依依
訴別哀汙渠吾不厭
好去莫忘迴

偶讀山谷集次韻雨絲

斜風掣斷乍如稀，亂下翻欺繭緒微。
未補碧羅天忽遠，欲成織縠霧交飛。
漁翁誤喜縫疎網，貧婦一作織婦虛驚緯廢機。
收得一番歸紡績，四方何處嘆無衣。

重陽後菊

霜寒偏艷艷，烟暝更煌煌。
已負重陽飲，從渠此日黃。

丙申十月日上表乞退，上留表於
內，遣內侍金永紹曲諭復起。是日送
天使後有作。

中使傳宣八草堂鞠躬如對
赭袍光雖然朽質霑春露
其奈殘生迫夕陽身似雲輕
宜可卷語從天隨若為量
聖朝求舊真如此拜命惶
惶泣數行

十一月日夜直內省卧吟不覺至
累首

一抗囊封乞老骸反煩中使下天來
人臣進退雖君命慙愧身無可惜才

不准君意勉留勤勢有難回豈具言
晉陽侯亦不許故不得再上表
世上人人難戶曉焉知不作夜行論

我昔嘗高勇退賢二疎圖上淚潛然一朝孤負
平生志舊涕方收愧汗連

正合投簪退野廬俯慙腰下尚懸魚此身一旦
先朝露地下胡顏見二疎

聞達旦入江南

北俗不習南胡為八炎洲忍令萬民食肥澤一
邦讎嬰城雖省策清野亦良籌安得天上劍一
時墮胡頭盡隨白刃落跳轉如圓毬不然大海
水傾注使漂流化為魚與鼈作膾我民喉此言
亦迂闊天意非人謀但願皇上帝悔禍無盡劉

嗚呼何更陳流淚紛難收

晉陽侯集其日上番門客之姓為
韻命門下詩人輩賦冬日牡丹予
亦和進一首傍韻自押

聞有名花誰所種白則豐山紫大宗

牡丹有豐山
白大宗紫

玉

顏倩瘦微含笑正似畏風皇后趙天然姿色不
脂粉畫眉肯待張京尹深藏勿遣寒氣奪忍使
西施冬衣葛若到東風求雨敵豈欠千花競紅
白反將松竹成三友羞向芳時殿楊柳臘梅秋
菊猶難比安數紛紛桃與李公今手提造化

妙萬戶封侯食於邵天令珍翫日見借載以香
車或寶馬冬月得花亦天付人皆駭異無奈魯
公若有命誰不聽羨白曼姬來自鄭花之自至
真可愛嫣然尚可迷下蔡一枝若向 玉皇奉從

此始有牡丹貢

錢承相置驛
貢花進姚黃

我猶未信忠於天晏擬巧

幻迴春權此花無種恐不繁要且培養長其孫
人間何處得致哉獨有朱邱賢侯崔清晨甘露
滴鮮鮮嚙之可以滋丹田細看剪刻費功夫盍
侔楚國娃侔吳前身莫是多情娘各疑好好姓認
張欲教蛺蝶來相尋化自玉錢與黃金

太平廣記云韓志和
穆宗朝喜雕木作鸞

鶴之狀上於殿前種千葉牡丹及花始開一朶千葉每觀黃白蛱蝶萬數飛集花間
上令張綱得數百緙嬪御追從為樂平明視之皆金玉也後開宝厨觀金屑玉蠟尚有
將化為蝶者宮中始見焉此蝶環繞舞蹁躑四筵羅綺熏傍邊吹

嗟辦作韶光和金鐘行酒如傾河絳葩齊綻醉
暈醺交映紅裊雲錦文憶昔沉香愛此花遊賞
多乘炤夜車立進清平白也豪續而和者無餘
曹我公門下富麗儒詞鋒凜凜森湛盧作詩譬
况巧相當筆端立致生姬姜千篇萬首尚欲吟
箇中誰訴才難任韻險且多皆
有難色故云况公所命避之難一
揮便就即壽安請見徐公賦一篇景星卿雲下
圓玄散而鍾此瑞花新此意何不詩中申格卑

迺是潛溪緋高者亦或有京竒如於雪裏得一
遭宜若不必論卑高矧茲絕品未易評何幸適
與斯時丁朔風卷地色自如可憐態度愈徐徐
不論時節得相看頃刻能開勿要韓酷寒猶不
凍瓊肌何必更浴溫湯池

聞同年韓樞密薨 丁酉年作

仙桂同攀三十人唯餘韓老與予存韓公今日
還為鬼孤立傷懷忍可言

四十八年間唯留一箇老韓三吾得悲我去誰
當悼

哭李學士百順

交臂同遊四十年

葭莩重結好因緣
其子為

卜隣

來往元親款有酒招呼各挽牽
學士資崇曾綴步文園望重再提權
但嗟未踐鴻樞地賁恨無窮八九泉

久屈負卽嘆積薪一朝龍躍奮脩鱗
進升卿月

才三載坐設門挑已二春

拜三品三年
間再掌試

金鉉登庸雖缺

望霓旋導去得朝真才名不落前
賢後誰把貞

珉刻受辛

墓誌

公舍弟學士百全見和復次韻寄之

棟華承萼幾多年賢路雙飛亦宿緣得道兄煩

天帝召多才君被世人幸倂更赫赫文章地寧

羨區區宰相權兄常以不相為恨公不為言好攝精神長不老時

呼我輩醉平泉致仕

億疾年來發負薪予病久卧彌旬朔笑時鱗詩仙忽

貺腸中錦老境驚者意外春手熟自成詞格峻

語高還契道心真來詩有性命之辭唯殘病叟長沉頓百藥

前陳啖苦辛

拜大尉有作

世人呼我大狂顛我不為嬾亦謂然千古未聞

狂宰相如何今日躡台躔

大尉是三公

丁酉六月十八日大雨漂人物家戶

自嘆為相無狀示同寮李相

謬叅丞相自猶嘲手拙難於鼎味調燮理五年
何所得霖霖一夕百家漂

不是朝廷也乏材吾儕僥倖忝鈞台未知殷相
為霖用反致人家墊沒災

七月九日直內省書壁上

項強喙硬同遊輩未入黃扉者亦多此只此身

登此地有時慵直意如何

連卧病故尔

桑榆景迫髮渾皤無德無功竊祿多咫尺嚴城
門外客亦聞更盡尚行何

謝逸庵居士鄭君奮寄茶

芳信飛來路幾千粉牋糊牘絳絲纒知予老境
偏多睡乞與新芽摘火前

官峻居卑莫我過本無凡餉况仙茶年年獨荷
仁人貺前年亦送始作人間宰相家

內殿扈從後有感

本懷夙退心庶免夜行誚胡為未得謝白首事
紛擾出處皆天為人事難預料朝廷不乏賢安

用此潦倒傴僂八公門反落白公笑有面不敢
搥慙愧已不少安得作閑身葛巾放長嘯喧喧
是非外灑然如夢覺

望故李學士百頌家有感

我來此地亦因君

初八此京公卜地而處
以一與予猶望相對

幸卜芳隣日與

親舊宅依然山下在草荒苔老間無人
被招無日不經過大醉扶來趁晚鷗今日定將
誰舉爵出門痛哭望君家

地下應無一滴春我今獨吸杯中酒誰能作覓
連泉局激此淡觴霜子味


言梅


我性本訥言庶幾無口過昨日率爾言我死誰
代者有客笑而對子語似未可才俊世所稀當
憂代者寡子非異於人所益無一箇何必見代
爲俚唱宜無和其言雖似訐其意未大左我悔
前言失起拜再三謝

久病

一嬰沉痾度三秋卧腐公家俸祿優乞退欲休
君不顧天將使我大休休

東國李相國全集卷第十八







集國相李六